

लईका मन बर बाईबिल
प्रस्तुत करत हवे।



कलीसिया कर
बिपत्ती ले
सामना



लिखे गए हवे। : Edward Hughes

उत्साह बढ़ाए गए हवे। : Janie Forest

चयन करे गए हवे। : Ruth Klassen

अनुवाद करे गए हवे। : मधुलिका महतो

बनाए गए हवे। : Bible for Children
www.M1914.org

©2015 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



भगवान के बेटा यीशु मसीह मरए मन ले जी उठे के पचास दिन पाछु, पबितर आतमा ओखर चेला मन के संग म रहए बर आईस। जबकि चेला मन इ गोठ ला समझ नई पाइन की भगवान ददा, भगवान बेटा (यीशु) अउ भगवान पबितर आतमा सबो, एकठी एक भगवान हावय, तेउन मन अपन संग म भगवान के होए भर ले घलो खुस रहिन। भगवान हा परेरित मन ला यीशु के बारे म आन मन ला बताए बर अजीब रीती ले मदद करिस।



यीशु म बिसवास करोइया सबो मइनसे
मन अपन सबो कुछु मेझरा म समझिन
ताकि तेउन मन गरीब मन के देखभाल
अउ मदद कर सकए । लेकिन हनन
याह अउ सफीरा नाव कर
एकठी गोसिया अउ
गोसियाइन हा
बेईमानी करिस ।



ओमन कुछु भुइंयाँ कर भाग ल
बेचिन अउ परेरित मन करा सबो
पइसा लाए के नाटक करिस।
ओमन अपन बर, चुप के कुछु
वापिस राख लिस।




“काबर सइतान हा तुहर
हिरदय ला ... पबितर
आतमा ले झुठ बोले बर
भर दिस हावय ?” पतरस
हा हननयाह ले पुछिस ।



“तुमन मइनखे मन ले नई, लेकिन भगवान ले झुठ बोले हा” तब झट के हननयाह तरी म गिर गिस। अउ ओहर आखिरी साँस लिस। तब जवान पुरुस हा ओला लपटिस, बाहिर ले गिस अउ ओला माटी दे दिन।



थोरकुन बेरा पाछु, सफीरा अपन गोसइया के देहांत के खबर जानए बिना भीतरी आईस। ओहा घलाव पइसा के बारे म झुठ बोलीस अउ ओकर संग, उइसनेच होईस। जतकी म इ गोठला सुनिन उंकर उपर एकठी बड़खा डर हर छा गिस।



भगवान के पबितर
आतमा हा परेरितों के
बिचवई ले कतेक
अद्भुत चिनहानी
अउ चमतकार करिस ।
उदा. बर जोन मन उपर
पतरस के खाली छाया
भर परत रहिस,

ओ बेमार मइनसे घलो
चंगा हो जात
रहिन ।



येहा भगवान के
उपस्थिति अउ ओखर
महान चमतकार
मन ला देखाए के
एक ठी अंजोर बेरा
रहिस जादा ले जादा
मइनसे मन यीशु उपर
बिसवास करिन। ये गोठ

महाराज मन ला अब्बड़
जंगवा दिस। उमन परेरित
मन ला जेल म डार दिन।






लेकिन एकठी रथिया
परभु के एक ठी दूत जेल
के फइरका ला खोल
दिस, ओमन ला बाहिर
ले बानिस, "अउ ओमन
ला कहिस, जावा मंदिर
मा ठाढ़ होवा, अउ इ


जीनगी के गोठ ला मइनसे मन ला बतावा।" परेरित मन बाहिर
अंगत चलए गिन अउ यीशु के बारे म परचार करए ला सुरू करिस।
बिहनिया म, महाराज के मइनखे मन जेल ला खाली पाईन।




आखिर म जब ओ ओकर मन ले मिलिस तब महाराज मन ले परेरितो ला अड़बड़ खिसियाईस। “का हमन कड़ाई ले तुमन सबो इ नाव ला सिखाए बर मना नई करए रहेन?”




पतरस अउ अलगा परेरित मन जवाब दिन, "हमन, मइनखे के बरोबरी म भगवान कर आग्या कर पालन करए ला चाहिबो" ऐखर ले महाराज अड़बड़ जंगईस अउ ओहा परेरित ला जानले मार डारए ला चाहत रहित। लेकिन ओहा तेउन मन ला बेंत ले मारके छोड़ए के आदेस दिस।




उंकर इ पीरा के रहए घलो
परेरित मन भगवान के गोठ ल
मानीस अउ यीशु के बारे म
प्रवचन देहे सुरु
राखे रहिस ।



एक दिन स्तिफनुस नाव के एक ठी मइनखे ला गिरबदार कर लेइन। स्तिफनुस परभु यीशु ला मया करत रहिस। पबितर आतमा ओला यीशु के बारे म आन मन ला बताए बर इसतेमाल करत रहिन।



कुछ मइनखे मन स्तिफनुस म भगवान कर बिरोध म बोलए के झुठा दोस लगाइस । ओखर मजाक डगए कर पाछु, स्तिफनुस ला यीशु म बिसवास करए के कारन, पथरामार के जान ले मार दिन ।



ओखर देहांत ले आघु, स्तिफनुस,
पबितर आतमा ले भरे, स्वरग
म टकटकी आँखि ले
भगवान के जवनी
अंगत ठाढ़े यीशु
मसीह अउ
भगवान के
महिमा ला
देखिस ।



जइसनहे भीर स्तिफनुस उपर
पथराव करत रहिन इ
बहादुर भगवान के
मइनखे हा ओखर
हतियारा ला माफी
करए बर पराथना
करिस अउ
आखिरी साँस
लीस ।



स्तिफनुस के मउत हा सताव के एकठी नावा लहरा सुरु कर दिस
स्तिफनुस के हतयारा मन के मदद करए वाला साउल नाव कर
एकठी टुरा सब्बो मसीही मन ला जेन कोन्हो ओला मिलत रहए
गिरपतार करए लगीस ।



तेउन मन ले अड़बड़ झन अपन घर ला छोड़ के भाग गईन, अउ
यहुदिया अउ सामरिया म फइलगिन। खाली परेरीतेचमन यरूसलेम
म रूकए रहिन।



जबकि उंकर बइरी मन ओमन ला मारए के कोसिस करिन, लेकिन
बगरे गए मइनसे जेति कहुं घलो गिन, यीशु के सुभ सनदेस सब्बो
जघा ले गइन। कोन्हो घलो यीशु कर चेला मन ला रोके नई
सकिन काबर कि भगवान के पबितर
आतमा उंकर म बास करतिस अउ
उंकर द्वारा बुता करवातिस।



कलीसिया कर बिपत्ती ले सामना

इ कथा हर भगवान के बचन के द्वारा एक ठी बाईबिल

पाए जाथे ।

परेरितो कर बुता 5—7

“आप मन कर बानी हर एला अंजोर देथे ।”

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

